

由

拳

集

由拳集卷之七目錄

七言古詩

莫廷韓諸君夜集

送莫廷韓北上

白門行送徐長孺

贈王元美廷尉

贈王百穀

馮先生行

金塘歌

青浦吟贈彭欽之

放歌行贈徐孟孺

送吳泚嘉壯上

康生歌

唐人歌

吁嘆行為開之賦

存石草堂歌

西湖曲為三先生賦

由拳集卷之七

東海屠隆長卿 著

七言古詩

莫廷韓諸君夜集

客子腰懸金僕姑入門下馬天模糊許身俱作高
陽徒文章一一凌三都便挽青絲開玉壺與君擊
筑夜呼盧手蕤都梁博山爐三更月上花耀能薰
前燈燭光有無醉來不問城上烏且向尊中挾大
湖丈夫意氣太行麤君看萬古為女駟來日苦短

青春易徂天風吹人滄海枯繁華過眼煙中蕪黃
金鵲印亦區區一佞眉覩面何為乎

送莫廷韓北上

我從淮泗走雲間乘春立馬橫雲山颯颯長松壓
銀海感時懷古雕朱顏雲間莫生二陸儔文章意
氣橫高秋結交英雄半天下中原時作盧遨遊三
山五岳須眉大白日黃河衣帶流我與一見稱心
賞年來喜挾五湖長便携竹杖拄青天憑高一嘯
衆山響共櫂樓船浩蕩行中流擊鼓彈袞箏酒酣

拔劍夜起舞忽思駙馬驅燕京自言拈掌取鄉相
不佐江東老步兵送君壯行飲君酒二月回風吹
浦口踈樹青迴扇虛尊空波綠上城邊梘丈夫不
出出軒然龍泉鵲印皆吾有富貴於君今已遲此
行定不復低眉日落抽刀行大澤春寒飲馬下空
陂君去壚頭尋舊伴請看市上半新知感來莫向
燕山望邊月蕭蕭颺大旗燕人荆高太無賴卸衍
談天頗雄快惟有燕王臺上塵可以一下英雄拜
英雄堂堂七尺身好與知己增嶙峋咲跛一聞公

子謙脫粟不飽丞相嗔王侯將相不好士芳名何
以垂千春激昂青雲羨相許莫生故自賢豪人莫
生莫生行不惡腰下吳鉤光應落黃金纓長安
街萬鈞宮花取次開 君王下詔御平臺

白門行送徐長孺

木蘭為檝桂為舳金盤玉壺大路邊客子唱歌佯
白日主人按節停朱絃城頭鷓啼明星動浦口送
君君發船春風無恙白門柳胡姬酒熟花滿天帆
影直侵雙闕對馬啼不散六朝煙六朝舊事今休

問斜陽暮雨銷金鈿君看一片秦淮水送盡英雄
月又圓

贈王元美廷尉

濠梁小吏名位輕束髮論交號有情矯矯中原起
五子白眉獨數王先生王先生意亦浮神思何散
朗雅志慕玄弈搖筆交洞連蕩曾吞震澤古今文
章誰取多子建八斗君一石中丞烏府非不貴大
夫鵲印亦已遠曷倩星精黯未銷司空寶劍出相
逼天下賢豪歸齒牙海內饑寒望顏色人生苟如

此安用悲泥塗身既登九列便須長五湖青天之
雲手可攬滄海之月醉可呼三百枯碁聞風而十
千美酒澆菰蒲子房范蠡亦人爾卷舒真與元化
俱東方甄生太眇小思君逢君苦不早一見如生
平斥語俱絕倒當肯元礼是通家異代鍾期本同
調騶子談天事已空王郎斫地歌自雄家本吳門
妙山水採蓮白苧人人工草花直接專諸墓臺榭
高壑吳王宮紅泉細細通海眼青石片片割鴻蒙
手揮如意坐亭子耳邊颯爽來天風只今才士克

八極猛氣神馳一何塞人人自謂得驪珠隱隱空
潭夜深黑世間萬事那有真呼作神龍多蜥蜴竹
書以來未可陳青箱班管俱灰塵後世知音定誰
是要觀君自千秋人千秋萬歲白日速富貴豪華
如轉燭請看姑蘇臺已荒訶管不存江水綠么麼
螺贏他自賢今戒不樂亦何欲愛君正得與君驩
百遍相過意未闌空懷磊落胸中氣無奈歲荏頭
上冠相思疲讀弁州部星斗爛々赤花古孤桐寫
匣萬波流雙龍倚天五色吐懸知藻思故如虹遙

見金銀結為虎便欲乘舟凌大江提刀攬袂一登
牀分來珠玉堪盈把携得煙霞定滿囊

贈王百穀

東南秀色開五湖吳越霸氣今未除諸家競採藍
田玉何者不握靈蛇珠眼中之人只如此風流吾
愛王夫子他人蜥蜴君真龍上下天門電光紫掌
上長披日觀雲匣中暗瀉銀河水姑蘇之臺俯丹
梯長洲百花臨大隄秋冷吳王試劍石春明越女
浣紗溪夫差墓深劍花吐墓上金銀化為虎踞石

高歌廢萬人與君一醉辭千古余也不合亭微冬
低頭屈膝拜公卿河陽名花空復種勾漏丹砂苦
不成賢聲雖乏漢廷尉頗能結襪王先生王先生
人稱鄙有道可知遠志與小姓謂汝為龍伏汝爪
綠葵紫萸饒山中磨礪不驕異驥裏好舒白眼睨
乾坤孟庄黃河日夜奔我已出山應自笑君今飲
酒與誰論嚴陵八田得君房語安用龐公在鹿門

馮先生行

先生少年好治遊酒邊挾瑟彈笙候春日空隄

騶馬城隅淥水木蘭舟半百羊來銷意氣黑髮從
人謝小吏十洲三島列意中瑤草琪花喚鰲背知
鄉家住紀央湖湖風日日吹雕胡手拾冰朶及雪
藕自招王母與麻姑王母麻姑降御宅二八青童
奏龍笛更有僊郎下赤墀天上官袍裁五色月滿
金屏天氣涼疎簾銀漢乍低昂上客紛紛到珠履
佳人一一陳明璫水拍霓裳落香霧曲向木犀風
裏度燈紅萼萼結明霞酒淥葡萄釀甘露朱門甲
第近天家愿教且種東陵瓜青山次第成丹砂看

君不是成丹砂君顏安得如堯花

金塘歌

金塘之山海上来日光倒射金銀臺洪濤春天不可極奔雷日夜相喧吼千峰萬峰結雲霧石橋舊日秦皇路海神鞭石定何年海氣茫茫尚莽互徐市樓船去不還三千童女住僊山人間靈藥何曾
有洞裏琪花只自閭中有高人坐超忽手觸龍宮
觀滴淖逸氣遙凌席豹開雄心直壓龜龜窟尋真
高覽赤城霞曾見安期棗似瓜瓊禽不斷千年對

天漢常隨八月槎遠視黃河若衣帶赤縣神州復
何在松盤大壑拂蒼乳雨洗高天出青黛青黛蒼
虬自一區東皇端拱白雲居澤國烹唐邠可問綠
字金書今有無金塘生嗟爾不得志甘為汗漫萬
里行齊州湫隘不足寄滄溟浩蕩從此征君不見
老子西出關仲尼欲浮海立志何凌兢傷時多愴
慨君去今居第幾峰海峰一片金芙蓉君今去去
樂何以嗟予只尺安能從好坐山中鍊大藥搔首
青天美寡廟他日歸來城市空霜高華表下令鶴

待予事了謝人間訪尔逍遙海上山

青浦吟贈彭欽之

一官落拓移青浦磬折呻吟傍人苦古來堂上月
鳴琴今也道旁但負弩風沙滿頭不足憐自愛吳
會佳山川山川秀異生才子二陸而下多英賢余
本嶽崎丘壑次女意氣獨與賢豪期上客時時作青
眼後車往往多白眉吳士揚旌故雲擁立談詫得
彭欽之欽之文章耀曠日落筆高天風雨疾才華
跌宕性雅馴令我一見情款密二華雲烟掌上生

五湖波浪盃前失三十年來擅大家天邊龍駿骨
橙枿帝開嵯峨不可問劍光空冷夫容花五車赤
牘千秋事一領青衫兩鬢沙臨邛之令如可再詞
賦相如至今在天子不喚奏凌雲賢人流落吾將
奈世人邴解重王孫青雲不登道不尊願君努力
致天路拔劍高歌好出門

放歌行贈徐孟孺

徐卽意氣空秋旻五雲三秀開羊祜探環故
英物誌公摩頂知麒麟少年才藻不多見大海青

天月一片玲瓏玉洞引丹霞窈窕文德揮紫電今
春騎馬長安遊五侯七貴爭識面余也曾耕東海
田竭來吳會尋諸資合意真須片語下知君還在
十年前男兒墮地何所任炯炯空懸白日大道旁
明珠爛不收手卷絲綸閒處坐且挾鷗鳧湖上行
更驅雲霧峰頭臥余本英雄吞大烹偶然任吏似
河陽不肯任眉向人語一官那便失飛揚文字無
多羞藉々年來好士真成瘁風流終古慕威明逢
掖何如二千石君今落々在泥沙擊絮吹簫不足

嗟願我正當門外月與君且醉縣中花

送吳升嘉壯上

嗟爾吳生真嶽峙磊落之英資
函中羅海岳筆底志雲烟
貪居委巷無人憐青天垂釣
淮陰下白日吹簫吳市
鯢翻然拔劍別妻子
壯志長安赴知己絕海孤帆
風雨濕三月黃河向人立
王侯將相可長揖無為室對
牛衣泣君不見相如犢鼻
蠢王孫一朝千金買長門
子雲筆札君卿舌知君此去
聲名尊嗟吳生吾不愁君之
此去無聲名酒酣座中

出趙薛月明樓上調秦笙
丈夫時來合富貴
願君莫賦少年行
少年得意騎駿馬
操弓挾彈章堂下
富貴當如貧賤時
肯學悠悠道旁者

康生歌

武皇乘八駿
神飈起龍荒
撓槍鬪北斗
閹人亂天常
嘯咤驅百官
為狼與為羊
奸雄一何黠
意在收豪傑
折節禮康生
門前車馬紛如雪
康生烈士腸
不睹閹人面
手懸金印開通侯
那得康生一回盼
喬、韓尚書除奸報
天子佩小李
郎中落筆風

兩駛時危大臣逐事敗英雄死左氏哭卽中存亡
兩契闊康生可活君無為佐枯骨卽中慨呼向
天虎口寧可脫丈夫落落劍下死安用低頭草間
活左氏哭且訴生已如朝露天命不可期君心無
乃固卽中書片紙左氏致中懷康生投袂起意氣
掀秋旻但活忠義士何辭一見奸雄人奸雄問道
康生至自起焚香掃榻塵入門長揖據上坐從容
捫虱談三秦白也醉麾高力士風流蕭灑垂千春
卽中文章今李白殺之恐為天下嗔逆聞之但

掩口呼童催進蒲菹酒炙笙搗鼓聲喧天捧器停
盃大如斗康生復怆慨卽中本英雄吾當就公飲
汝赦李卽中不然掉臂去棄汝如飄風闌人首肯
康生喜脫衣解帶酣歌起金鐙夜照珊胡紅銀鞍
色暎驕駟紫大醉翻然咲出門月光皎皎流雲奔
人能殺義士我自哀王孫卽恭何妨吊張讓太真
盜骨依王敦千秋萬歲後名與泰山尊願提一壺
酒澆君青樹根黃河湯湯白日速何由一喚斯人
寬

唐人歌

黃河雖大不流崑崙日月雖明不照覆盆從古有
之今我何言登臺風正悲閔母心多苦竹帛以來
未足數我歌唐人真可憐一吟一涕空潸然夫妻
遠戍三千里罪大仍輸百萬錢遠戍猶自可百萬
出何所天寒歲莫一還家家中五日無烟火欲將
飢寒哭向妻妻亦饑寒不能啼十三女兒髮覆額
單衣欲裂霜淒淒日落顏垣竹扉冷月高夜吊孤
狸影仰天大哭走出門白楊蕭蕭填枯井我吟商

人歌淚下如江河行路還停紫駟馬滿堂盡廢金
巨羅

吁嗟行為開之賦

吁嗟馮先生汝為我飲我為汝謳仰天獨嘯銷百
憂星辰北走河漢西流昨日北風叫枯葉今朝芳
藟鳴鳴鳩虫事如此今我何求我欲努力取富貴
富貴難自適我欲局促修空名空名竟何益丈夫
低眉復苦心矣殺金華紫烟客夜來聞君浩蕩言
使我酒量大如斗堯舜桀討怒枯骨不如月下一

盃酒紅燭未殘歌聲漸低玉壺醉擊寶劍夜提酒
中累月堪沉迷空林不問城烏啼吁嗟馮先生眼
前落落君與我百年一日且瀟洒良夜無驩娛驩
娛無良夜明月既在天迴芳復臺天好風吹花花
欲言與君爛醉筵篔下酒罷登艫思黯然絳菴遙
指西湖邊君雖有官不妨晏眠我為小吏多糾纏
今朝送君出門去明朝由事還相煎相煎何為快
意當前中酒迷花虛白日萬山千水隔蒼烟

存石草堂歌為沈觀瞻先生賦

青天一片石萬古割鴻蒙西山雲氣寫碧落絕壑
秋聲挂玉虹君家園亭亦灑灑大石壘占色赭
陰洞截取龍額來波濤日疲走其下明霞亂射雨
不昏危峰刺天白日奔石乎石乎疲潑語草堂之
上光欲翻先生好奇唯樵李田取鱗响與孫子米
家么麼不足論歌罷峰頭片雲起

西湖曲為三先生賦

三先生者沈山人嘉則沈太史君典馮吉士開
之也三先生相與浮西湖高言長嘯響振崖谷

名章麗藻照暎雲霞為茲湖標千古朕事余聞
而豔之恨不能從也乃賦西湖曲以見意庶幾
當宗生以遊矣

西湖靈氣開東南排天沃日青黛含秀絕往往聞
天下神仙幽閔誰能探烟霞不着高人屐日月空
孤大士龕子長踪跡多奇遊磊落吾鄉老隱侯更
得馮君為地主相逢大咲驚千秋日莫樓船浮紫
氣玄珠醉踏洪波沅鍤簫鼓空中下漢烟虹
席上收一鼓霹靂起天末魚龍遠避神靈愁須臾

雨歇雷電止月照西冷天似水群公雜坐興轉酣
盡舫夜飛青鏡裏旣逢妖女獻珊瑚復見靈妃薦
蘭芷閒情目送山鳥還遠思長驅海濤駛明朝相
與為微行青鞋綠杖春沙明祗將氣色關星象不
與時人說姓名罡風吹裳涼灑上直上峰頭眺銀
海氣深一片青天孤眼空數點蒼山在平吞六幕
相蕩搖兀立群公意忼慨名賢一日經此丘山川
脈事留千載好為西湖大解嘲天教曠士停蘭橈
黍嗟泥塗那得脫君入雲林不見招為君一奏西

湖曲自倚南樓吹玉簫

由拳集卷之八目錄

五言律詩

中秋二首

富陽舟中

蘭溪酒家

登會稽山

聞張太擁豔姬乘舟江上

桃江道中二首

登沈嘉則先生明月榭

嘉則先生同葉元秬田秬過草堂

春日遊陳將軍園

夏日雨後登張氏山樓

哭紹仁族孫五首

春日集司馬公園得年字

正月六日雨集司馬公流波館得青字二首

元夕集司馬公宅

春日同嘉則先生汪長

文葉元祚集柴仲初樓中得還字

陪張大司馬遊茂嶼二首

秋日懷友人

冬夜與諸君酌萬壽山房

冬日柴仲初葉元祚見過

太末歸哭紀秀才二首

冬日江却晚睡

登岒虛亭四首

金嶽寺二首

初夏莊居有懷

古廟

夏日看山六首

夏夜獨坐有懷二首

登招寶觀海三首

秋夜對月有懷余生

送沈嘉則先生之上海吊朱邦憲

山中書懷十四首

愁

夏日懷友人

懷楊伯翼

懷柴仲初

瑤瑟怨

山行

汪長文寄寓文公禪房

社中詩君過分得通人二字二首

再集司馬公新山

桐廬曉叢四首

不寐

幽樓

得柴仲初書

冬夜宿嘉則先生青棠館

同胡明府登佛塔亭二首

剡上

江村晚步同戴仕德

雪中集余君房翠碣樓

送李太學北上

送趙給事諳尉高安二首

余君房携酒楊太學園中酌程生

夏日同程孟孺及社中諸君集張司馬公園

答戴仲德訊余蕭寺之作

李山人招遊蕭皋不赴

葉鄭朗携酒湖上餞喜

則先生

湖上疲歸

送余君房北上潯洲字

楊伯翼見過

毗陵道中

揚州除夕

邵伯湖阻凍

揚州春日

宿州道中

彭城懷古

旅夜懷余沈二子

訝姪

舞女

鬪鷄

走馬

彭城覽眺

范增墓

嘉則先生以赤霄行見

寄曰知其自滯通州有作

行路難

北地二首

涿州懷古

樓桑村

渡滹沱河

良鄉道中

送余君房下第東還

碧雲寺

送張京兆歸省

送李西安

任丘道中

河間大水

登第後過山東逆旅戲作二首

漂母祠

東阿道中

江上見彗星有感

書懷

鄧博士

方博士

林博士

聞管建初同孫以德登

太和却贈二首

郊行

行縣飯田間暫憇徐太常莊居四首

送桂博士還四明

贈吳叔嘉

壽家長君六十

嘉則先生馮開之小坐

池上夜坐

董陽明以詩見投却寄

百舌詩

由拳集卷之八

東海屠隆長卿著

五言律詩

中秋二首

桂華天上滿河漢氣蕭森萬里中秋月空闈此夜
心風高香霧冷露下玉簫沉處處金尊裏誰家起
暮砧

明月關山白天青大海流何人不看月若個總含
愁河影初低戶桐陰自下樓滿城歌吹鼓絃扇獨

知秋

富陽舟中

挂帆秋浦遠雲樹結巖阿水下梧盧關山從遠德
多同舟逢楚客隔岸聽吳歌漸與錢唐近空城浸
大波

蘭谿酒家

蘭溪多美酒况復有嘉魚入肆依垂柳移舟近綠
蒲佳人時挾瑟皓腕獨當壚取醉須明發江城啼
瘦鳥

登會稽山

海風吹客鬢萬里一冥鴻禹甸長江外高陵落日
中河山開氣色吳越幾英雄獨立踟躕久長歌倒
碧空

聞張大擁豔姬乘舟江上

日暮張公子輕舟載管絃何如逢漢水疑是渡秦
川秋浦理歸杆橫塘歌采蓮夜舒真可託明月為
君圓

柁江道中二首

江村乘曉發秋氣滿衣裳落葉疎林靜行人古路
長水寒空雁鷺天白莽烟霜此地歸心急何言客
異鄉

黃葉深秋路天寒薜荔裳潮聲通海大雲氣出天
長猿嘯誰家墓烏啼昨夜霜孤城望不見冉冉過
江鄉

登沈嘉則先生明月榭

高臺極蕭爽况與故人同野曠偏空月林疎不受
風砧聲到夜盡霜氣入江空一宵成萬古直欲問

鴻蒙

嘉則先生同葉元村田村過草堂

蓬蒿樓仲蔚有客過
寒江海月高華頂天
風度石牕門前流水
大沙上野鳧雙君有
滄洲意於茲買釣艘

春日遊陳將軍園

名園華屋在綉棟
媚人衣風煖桐花落
春長燕子飛幽篁
窺水綠細草隔簾
微暎地無過此林塘
日莫歸

夏日雨後登張氏山樓

登樓聊騁望浩蕩一開尊
山盡天平野河長水抱村
蟬聲高樹莫雲氣夕陽昏
雨後郊原好薜蘿綠到門

哭紹仁族孫五首

共說燕京好黃金高滿臺
風塵匹馬去烟雨素車回
流水長淮盡猿古道哀
江南立壠在冤氣早歸來

天地莽深深無從苑後尋
飄風河水急落日薊門

陰大道歸元化玄言寄陸沉傷心不可讀臨絕有
遺音

聞訃驚初定夫涯倘未真如何遠行客終作不歸
人白日室寥廓青山吊隱淪王侯誰不死百歲捩
蒼榛

三十嗟無祿云胡不首丘金河沉寶玦玉匣掩吳
鉤八戶憐青鬢登堂歎白頭君家兄弟好身後不
須憂

五月施東昌遊菟走大荒錦帆渡楊子明月下錢

唐新鬼依秋草高墳落夜霜
頭花有人薦猶不廢
蒸嘗

春日集司馬公園得年字

時嘉則歸自上海

湖上青山好登樓憶去年
群峰當落日獨鳥下春
烟草色鮮寒綠萼花入酒
妍人歸又明發且醉玉
壺邊

正月六日雨集司馬公流波館得青字二首

開筵當淋氣春色下空
庭萬點烟中暝千山鳥外
青高臺臨汗漫好雨洗
沈冥相對憐同調斜陽酒

未醒

好懷歡不極，入夜雨冥冥。
鳥語知時候，山光愜性靈。
雪沉毒，瓣白天放柳條青。
上相能投轄，何人事獸醒。

元夕集司馬公宅

同是春宵醉，今宵樂未央。
花明天不夜，塵煖月生香。
人語朱樓細，簫聲碧海長。
絳河但欲沒，猶進九霞觴。

春日同嘉則先生汪長文葉元玆集紫仲初

樓中得還字

遠水帶長烟晚山明綠鬢良時不再得幽事總相
闕草入春空盡苔深石徑斑高樓坐來久斜日鳥
飛還

陪張大司馬遊茂嶼二首

春到名園好高花窈窕開草逢樵徑斷風雜嶺猿
哀遠水空亭入孤烟落日迴山靈似相識長嘯白
雲來

登高望窳府曉日蕩虛無宛轉盤踈對蒼苔浸大

湖平蕪照水，淥細路入雲。
孤獨立嘯臺，上惟聞山鳥呼。

秋日懷友人

寒砧萬戶滿黃葉，下空城叢菊堪。
岳淚江流不住聲，病惟詩淅意。
貧覺酒多情，同是傷搖落。秋天日莫行。

冬夜與諸君酌萬壽山房

黃葉盡高梧，清坐醉玉壺。
長烟山寺白，微雨佛燈孤。
漏斷聲初暝，尊空客自呼。
古來存曠達，天地入

虛無

冬日柴仲初葉元叔見過

荒林生氣色忽漫辱高軒遠對平連海寒潮直到
門西風吹髻髮落日照琴尊薄暮看歸渡城鴉
睨昏

太末歸哭紀秀才二首

把臂送我去歸來說爾亡我行有時返爾去路今
長秋日澹黃土西風吹白楊倚天盡一哭何處叫

巫陽

處世不滯志胡為四十殂蓋棺無一語高枕即長
塗天地空為客文章誤作儒浮生信如此沉醉酒
家胡

紀平生絕不做酒

冬日江邨晚眺

孤邨亦自好坐眺極蒼上朝湧江沙白雲連海盡
長青天度歸鳥落日見浮梁搔首枯桐下無人間
草堂

登步虛亭四首

絕驛孤亭迥登高萬里心鳥聲在平地人語落空

林草暎春波綠松盤海色陰青天開浩蕩長嘯一
披襟

高倚層巒上群峰到地平鳥沉江壑影風斷海潮
聲何處尋瑤室如聞吹玉笙欲從松頂立佇看白
雲生

二月猶蕭颯風高白日微青山當戶落黃鵠傍人
飛空翠時流壑晴嵐欲濕衣吾將臥蘿月今夜未
須歸

空亭開四面夜受白雲多迢遞聞鐘磬盤迴入薜

蘿直疑窺帝座不敢捫星河呼出青天月剛風吹
浩歌

金峽寺二首

臺殿蒼茫外高位萬壑屯鳥將雲氣合風帶水聲
喧細踏盤霄漢青山落寺門空臺夜聞虎蕭颯
林昏

寶地聯滄海禪房隱法輪山深長作雨地遠不逢
人日月空三界烟霞是四隣曉來望峰頂爭出碧
嶙峋

初夏莊居有懷

青陽猶昨日灌木已繁陰天入江烟斷愁來海水
深佳人歌采綠行客拊鳴篋不看靡蕪草斜陽在
莫林

古廟

閒行入古廟獨鼓偃當門芳草能平砌踈藤直過
垣梁室雕形盡字滅石碑存戶外居民少頽花誰
酒尊

夏日看山六首

一望收千里高原何處窮長雲不隱日列嶂盡排
空鳥度蒼烟外人行綠壑中疎林竟日坐不覺送
歸鴻

好山日當午眉黛插天青平野雲垂幕空堂戶不
扃幽花媚長谷踈壑入高冥離索無人問泉聲只
自聽

不禁天風落長林暑氣消直須捫華頂許可借松
寥山處天疑盡人來路不遙蒼茫空四望雲海出
高標

書長無一事五月坐空林風起潮聲斷日高山氣
沉石泉薄微暑雲對作輕陰散髮蓬門下支頤看
碧岑

斜日千峰外何山不可憐無從捫白石渾只似青
天照海霞標出盤空鳥道懸高言寄寥廓吾欲扶
飛仙

天邊茅屋孤簷野盡平蕪日色高應盡山光淡款
無疎香透幽草涼葉暗高梧風起青蘋未瞿然失
故吾

夏夜獨坐有懷二首

明月下高原傷心幾處看
露涼虫語早風急樹聲
寒曠野行人歇空遮子
夜闌長河雲不動碧海路
湯湯

清露下平蕪涼雲覆井梧
鳥歸林樾暮天闊水雲
孤月色開金鏡河流浸白
榆坐來池上久秋意在
菰蒲

登招寶觀海三首

一望連空綠高天上有無
濤來高山動潮落百川

枯蜃合樓臺。向鰲擊島峙。孤悲哉。尼父志去去。欲
乘桴

曙色動東方。蒼茫水氣涼。白波卷孤嶼。紅日耀扶
桑。興至護長嘯。歌聲入大荒。咸池好晞髮。吾意在
滄浪

崢嶸似無地。何處着神州。雲起連天黑。波來挾漢
流。孤撐動鰲足。震蕩徙龍湫。萬片杭檣密。均堂浮
芥舟

秋夜對月有懷余生

爽氣肅靈籟西風下
遮蘭秋河高不墜
甯露白生寒絡締
啼堦草梧桐覆井闌
照人今夜月可惜不
同看

送嘉則先生之上海吊朱邦憲

交遊元不薄歲莫走天涯
黃葉路應滿白楊風正
吹腸因遺草斷心許夜臺
知海暗吳雲濕
君哭墓時

山中書懷十四首

涉世誰非客我歌行路難
長雲看滅沒大道自嶮

阮剗密天多暝山空夜覺寒夢回江上月歸去把

漁竿

逆旅無人問孤雲自往還仰天歌白石倚劍看青
山末路人多病愁心未得閑鏡中勛業在憔悴老
朱顏

記得來時節青春尚未深好花看落砌密葉已遮
林流水年華去孤燈永夜沉瞑猿聲不斷日日動
鄉心

日落聞山鬼城荒半野蒿樵人徑古塚水鳥下空

壕雲氣橫林斷灘聲入夜高倚樓當窅滅拂匣看
霜刀

天外孤城出青山擁縣門猿颺行鼙動鳧鷖落沙
昏西客關河斷東流日夜奔飄零有人念江草易
消魂

何以銷長日高松拂石涼巖雲空墮影澗草暗生
香獨坐看歸鳥吟詩到夕陽舌深盤窈窕孤興入
微茫

十年長作客丘壑此曾經草是當時綠山如故國

青輒坤雙短髻江漢一流萍獨上高城望黃烟孤
日冥

剛風吹斷雨疎對長藤蘿遠客依姑蔑歸心下瀨
河獸看山氣好其奈日長何葉亂空林響時聞虎
瘦過

貧賤驅人出浮生在馬蹄每脩千里信頻作數行
啼草色連平野河聲夾大隄青春辭我去對長過
樓西

五載此山屋山靈亦笑予輒坤真莽蕩崑壑故盤

紆身為無官賤交困處困踈憂來人不寐明月夜
憶虛

避人歌綠水採秀向溪湄山合雲全隱天位日倒
垂細莎蒙古道野葛上荒陴入暮中洲返溪風拂
面吹

山雨自連朝郊坰悶寂寥鄉心橫草薺歸夢度溪
橋東越浮滄海西陵落暮潮水蘋人莫立有客上
吳舫

新水乳鳴蛙荒原日易斜村童闢野草溪女挿山

花厭聽方言久懸知客路賒明朝歸海上正好泛
秋槎

東國多才傑山川憶舊遊日華動鰲背海色照龍
湫諸子皆青鬢群公有白頭殊方仰高會僂樂在
瀛洲

愁

遠道看何極愁心難可論雲采將盡合日落又沙
昏古堞鴉啼柳空山虎打門欲歸歸未得鄉思正
騰騫

夏日懷友人

松風消大暑長日坐高林路斷千峰合天垂萬木
陰偏熟成客夢一半是鄉心得句無人賞年來欲
費吟

懷楊伯翼

文章霸東海五嶽盤心胸挈舟踏高浪行歌觸白
龍思君大江闊獨臥秋山重巖廊雲氣散清宵月
在松

懷柴仲初

別君春草綠夏木又叢生不見故人面如聞江水
聲天長連百越道遠入孤城應念盛空谷間居賦
已成

瑤瑟怨

心共哀絃語臨風恨未休落花到地盡飛絮向天
浮恩逐金刀斷情隨玉筯收夕陽豈東下大海不
西流

山行

沿溪踏沙去沙暖春融融徑草迎人綠品花咲日

紅欄香隨路滿鳥語應山空鄉國有來異風光到
處同

汪長文寄寓文公禪房社中諸君過存今得
通人二字二首

蓮社初開處相依得遠公水光浮寺轉雲氣墮城
空臺殿千峰入松蘿一徑通幽棲真不俗長嘯紫
烟中

徙倚石牀冷室坐不受塵烟收夕霽海月照青
春高島初歸剗踈杳忽傍人乾坤知己在相過莫

嬾類

再集司馬公新山

青山留客處，落日亭臺疊。巖當空出高，花傍雨
開魚知春水至。鳥破暝烟來，勝事誰當紀。梁園數
舉盃。

桐廬曉發四首

一舟凌曉發，錦纜向天開。巖摧林出危，峰壓水
來石。潭經浩淼山路入，盤盤回首蒼蒼處。雲深失
釣臺。

曉入蒼茫道春猿夾岸啼好山去日不盡芳豳綠初
齊石險川聲大帆高潭影低王孫歸路渺又見草
凄凄

遠上嚴光瀨輕舟犯逆濤青松來疊翠白石露孤
高過客東西去馳波日疲勞囊空還自笑何以醉
葡萄

太末疑天上千峰何處尋日光穿對薄山氣宿雲
深水滂樵人徑草傷遊子心誰家村裏住烟火出
空林

不寐

欲作還鄉夢，愁來只異鄉。
亂雲依古屋，殘月照空林。
人為傷春老，更因不寐長。
猿聲何處起，相共野城荒。

幽棲

獨愛無人處，幽棲不用名。
竹鷄啼午寂，松鼠落枝輕。
芳草初平路，春溪欲上城。
蕭然吾亦得，擾擾自勞生。

得柴仲初書

念豕平生友，風流柴仲初。
河聲流去急，鄉里到來疏。
已是三秋客，纔傳二月書。
新詩忽滿眼，東眺歎嗚呼。

冬夜宿沈嘉則先生青棠館

高館眺玄窳，烟深野氣蒼。
微霜清對酒，踈竹伴焚香。
路惜明朝別，天憐此夜長。
捲簾看月上，落葉到孤牀。

同胡明府登佛塔亭二首

風急高天迥，孤亭落日間。
松聲疑卷壑，雲氣欲沉

山古佛踈藤合層城歇鶴還憑茲問寒廊吾意薄
塵寰

飛鳥浮屠外長烟入莫林空香生遠興空籟叢微
吟地迥砧聲斷天寒日色陰使君同浩眺萬戶摠
關心

剡上

剡路入江干蕭條黯自看波光搖落日山氣佐深
寒宿奔依鷗渚驚潮上馬鞍駘馳當歲晏吾道屬
艱難

江村晚步同戴仲德

薄暮江光暝寒流入大荒漁人歸浦盡雁影逗沙
黃平野何蕭颯遙天極莽蒼多君問空苦一笑興
俱長

雪中集余君房翠碣樓

晚渡何為者江城大雪時朔雲沉夜柝寒鳥沒空
溍海對深無色河流莽自馳感時懷忼慨日與醉
為期

送李太學北上

別意搖蕩蕩停盃覽太荒路當春草合山入暮雲
長倚棹江波綠垂鞭官柳黃燕臺今在否好為拜
昭王

送趙給事謫尉高安二首

楚壑入平荒江流欲斷腸雪仍飛大陸草已綠潯
陽總謂息波闊寧知客路長露葵真可折官舍不
荒涼

牢落向高安微霜犯馬鞍庄廬山色暮彭蠡雁聲
寒好自栽官柳無為咏澤蘭青陽多雨露白日且

盤桓

余君房携酒楊太學園中酌程生

初月俯前楹微陰傍古城
寂憐芳草莫莫問曲池
平短竹饒風色高梧盡
雨聲良宵宜楚客一醉見
深情

夏日同程孟孺及社中諸君集張司馬園

湖波平傑閣落日倚巒岬
夏木一何秀春風殊未
殘當歌誰是客得酒且為
歡司馬園中對君能幾
度看

谷戴仲德訊余蕭寺之作

獸爾遙相問青山過者稀
自憐吾道拙轉與世人
遠入鄣江聲細聞鍾瞑色微
閒房聊足寄坐領白
雲歸

李山人招遊蕭舉不赴

愁坐極蒼茫高林自夕陽
山雲青不滿江路水空
長草傍人衣綠花連佛座香
客來還共詫心賞故
難忘

葉鄭朗携酒湖上餞沈嘉則先生

芳釱足婆娑高雲照薜蘿草昏湖水闊江盡海天
多酒為青山好人如白髮何夜深燒燭暖花影散
驪歌

湖上夜歸

歸途何寂寞露氣入船多微月生東海孤光落瘦
波釱猶昏雁鶯城始出藤蘿搔首青天下涼風吹
權歌

送余君房北上得洲字

黯黯大河流關山北上適眷馬懷紫極去矣戀滄

洲雪照漁陽白雲生碣石秋上書多忼慨胡馬正
幽州

楊伯翼見過

山川一把臂高風吹泠泠目與孤雲往心將六合
冥潮來海浦白木落吳天青問君何所得獨有太
玄經

毘陵道中

勞勞行歲莫日疲望皇州北向烟初暝南來客正
愁不知寒日落猶見濁河流來往鄉人少家書空

復脩

揚州除夕

歲晏揚州路孤城客裏身
天涯不相借世事竟誰
陳風雪難為夜年華暗入春
酒家聊取醉相見說
秦人

印伯湖阻凍

辛苦淮揚道天寒思不禁
層冰白皓森凍對莽蕪
森鳥散空堤雪雲屯大澤
陰偶因名利出日動故
鄉心

揚州春日

蕭蕭孤騎發春色報揚州
幽谷草仍凍寒塘水漸流
管絃乍落日城郭艷朱樓
覽傷情何限聊將浣客愁

宿州道中

遠道多辛苦風霜老客顏
病猶能跨馬愁不廢看山
飛鳥長烟外行人落照間
天低原野闊何處望鄉關

慈城懷古

前朝百戰地萬里起悲風大業彭城在高雲芒碭
空河聲流楚漢山色老英雄落日荒涼外登高送
夕鴉

旅夜懷余沈二子

悲歡今夕事同是客天涯擊筑遊燕市狂歌向酒
家伊人真不減而乘獨堪嗟何以銷長夜孤村風
雪斜

歌伎

席上總殷勤官管且雜陳響流明月影伶仃落花

塵鳳語秦樓曉鶯啼漢苑春不須歌艷曲已是可
憐人

舞女

長袖起翻腰肢怯少年髻偏疑墮馬步緩欲生
蓮垂手香初細回波曲轉妍婢娟憐舞影來照畫
堂前

鬪鷄

東郊春日曉擾擾鬪鷄人百戰圍仍合千場賭未
貧長鳴動紫陌奮距感紅塵遮莫論金芥雌雄未

足陳

走馬

走馬長安道，翩翩俠少年。
青春嬌玉勒，落日照金鞭。
漠漠行垂柳，深深出紫烟。
長驅萬餘里，一劍定三邊。

彭城覽眺

徐方浩以廣道通此州來，出日孤峯秀，平天萬里開。
馬蹄衝水去，鳥跡印沙回。
舊俗猶歌楚，風存大國哀。

范增墓

君王好百戰長策不須云
王玦謀終左鴻溝業未
分氣能干白日劍欲抉
浮雲陳蹟千年下淒涼
過古墳

嘉則先生以赤霄行見寄
因知其留滯通州
有作

相約維揚路今知向海陵
詩來真浩蕩老去轉淒
涼
競牧伯能相假狼山日幾
登天涯正愁絕江雨照
踈燈

行路難

貧窮無不可何事向天涯雲指功名薄天連道路
賒宵征虞盜賊日出畏風沙行路難如此令人轉
憶家

壯地二首

北地非吾土蕭條不見人日光沉馬足風色隱車
輪塵起孤城暮霜迴獨壺春長安天不遠只尺欲
沾巾

不識漁陽路悲心莫問程大都行曠野偶見燕

日卷三
城原盡衝人立米沙照日明但逢茅店宿明發又
孤征

涿州懷古

大風吹涿庶軒後肅殊方馬踏新丘壠沙空古戰
場烏號此淪沒白日竟荒唐何必乘龍去終知帝
德長

樓乘村

先主龍興地軒轅舊帝鄉皇圖收七節天意失荆
襄歲月叢祠古山河漢寢甚長歌懷慨寒日下

枯葉

渡漳沱河

萬里渡漳沱邊城落日多沙長浮曲岸雪盡見流
波目送歸人急心懸征馬過淒涼問燕趙余亦好
悲謔

良鄉道中

車馬去班班多行莽蕩間地寒邊塞日天關
蘄遠山野成冬春合凋弓日疲彎愁心寄楊柳
衰颯未堪攀

白卷集

卷之八

十一

送余君房下第東還

落日千行泪都門酒一卮知君無不可
悅慨自吾私海月生卿夢風沙讎鬢
絲世情無復論天意亦何為

碧雲寺

西山陵寢地紫駁接春林啼鳥清人語
流泉澗樹陰雲開天路肅花落洞門深
偶得尋幽事因知物外心

送張京兆歸省

鬢得娛萊綵將因理釣船浮萍知在路華髮感流
年酒綠都門鼓帆青渾國天送君雙涕泪鄉恩日
空懸

送李西安

姑蔑長江外天宮萬木森土風高越紀水氣抱城
陰山路青猿暝人烟綠柏深使君蕭洒甚海月照
鳴渠

任丘道中

信宿來時路銷寇是去年人家耕廢壠馬足踏平

田黃葉明秋日寒花媚晚天故鄉宛相似凝睇此

山川

河間大水

浩淼真無極遭回馭路賒原田為澤國村落半漁
家秋便來沙鳥寒猶著岨花天明三十里野寺及

昏鴉

登第後過山東逆旅戲作二首

薄莫長途上相逢逆旅賢茅茨借風雨簷席共寒
天剪韭惟供客烹雌不計錢他人得意日羸馬笑

翩翩

顛領看齊女，綺衣貧且賢。倍當淳朴處，人薄豔陽天。
何物為脂粉，當壚識酒錢。使君五馬貴，不顧影翩翩。

漂母祠

一飯寧為德，千金不是恩。懷哉終古意，難與世人論。
灌木啼山鳥，寒流遶墓門。至今淮水上，日日過王孫。

東阿道中

出詔易蕭蕭空山共次寒秋陰生赤壁寒色起黃
茅壞道盤松枯流偃石橋駘馳真吏事不敢說
竟銷

江上見彗星有感

怪爾出何為天王有道時將因告百辟無乃應三
垂野艇寒潮落落嚴霜歇對坤憂來不可掇一
髮堪絲

書懷

男兒生有命貪賤未須愁碧宇恢恢大滄江浩浩

流鳴琴彈海月空
壁挂吳鉤高步平原外
王侯不足遊

三博士詩

鄧博士

薄宦臨清潁
踈園傍紫苔
春蔬池上綠
夏槿竹邊開
問字侯芭去
談詩匡鼎來
夜呼僊令坐
明月照金壘

方博士

駟馬登脩坂
磷磷水石清
官仍寒博士
俸許及諸

生雨暗松蘿色
天空絃誦聲
對君沽濁酒
深見古
人情

林博士

博士苦風煙堪租
賴上田為園親種
韭臨水或窺
蓮居可無官舍
民猶逋俸錢
自怜吾道大
江海一
青瓊

聞管建初同孫以德登太和却贈二首

綠玉倚雙筇
青天倒五龍
洞陰吹古雪
山翠滴疎
鐘醉拾峯頭
月同食石上
松洪崖如有約
他日倘

相從

遊覽意何窮飄飄直御風雙樓珠對鶴一到玉虛
宮梁宋歸啼鴉山河入轉蓬燕門可舒嘯遠莫泛
遼東

郊行

高原曠不分平野綠波紋水積蕪葭浦天空鷗鷺
羣千峰攢落日萬木閣踈雲薄暮蟬聲急風高斷
續聞

行縣飯田間暫憇徐太常莊居四首

午飯翠微中春泉茗佐供
品花爭媚客石竹細含
風鷺下青沙暖鶯啼白日
空獨憐農事少環堵沒
枯蓬

春日踏空原傷心不可宣
野棠生蔓草溝水湯菅
田父老無耕犢王孫有釣
船笋魚吾自飽竹裡斷
炊烟

郊行極宛轉下馬類閑遊
芳釭雲初暖垂楊風漸
柔東臯飛野雉南陌語
春鳩村釀猶堪醉終慙
藿
食謀

蕭然蒼莽外臺對與山平行役吾知倦登臨眼故
明連峰到海氣衆壑自春聲總有憂時泪無坊達
者情

送桂博士還四明

憶昔長安市娉娉嘉對前故人共今夕一別是三
年短櫂發青浦長波破綠烟還山逢酒伴好拂石
林眠

贈吳林嘉

白露下中庭微涼酒易醒林頭葉是水天上客為

星鳳嘯真寥廓鴻飛入窈冥對君清不極開篋寫
泠泠

壽家長君六十

霜前聽鳴鴈月下坐吹笙水閣飛花細天寒沙渚
清生涯問漁釣歲月在碁枰六十貧猶昔無慙庶
吏兄

嘉則先生馮開之小生

流水似官衙空遲坐日斜縣宦臨大澤客本泛孤
查鳥語墮若蠶玉絲縵落花不須悲去住得酒是

年華

池上夜坐

斜月到林初波光動夜舒深宵生寐感細語坐聽
澗宿鳥花間暝寒星竹外踈冷然發天籟爽氣濯
衣裾

董陽明以詩見投却寄

天地真宰廓斯人在藤蘿投竿滄海曲采秀碧山
阿名有文章在貧如虫路何思君五湖上春水綠
於羅

百舌詩

問爾何為者花間底自喧物情那可詰看事與誰
論不受金人戒空疑稷下蒐請看桃李甜開落總
無言

五言排律

登吳山遠眺

贈李將軍十六韻

奉贈少宗伯王公二十韻

吳門懷古二十二韻

開之居西湖甚遠作長瞻邇十五韻

五言排律

登吳山遠眺

騁望吳山頂，踟躕爽氣橫。
東南稱大國，吳越見高城。
水接江門闊，雲連海岱平。
西陵空草色，天目挂松聲。
落日朱樓迥，長堤垂柳榮。
湖光開寶鏡，人語雜鳴箏。
古戍烟仍合，寒塘潮自生。
蕩甯貼裏廊，策足上崢嶸。
莽莽乾坤外，聊抒萬里情。

贈李將軍十六韻

元戎清大漢，遠下薊門秋。
玉節臨東徼，牙旗建海

陳千金裝越甲萬騎擁吳鉤
蜃氣長帆合潮聲古
堞浮雄關當虎豹
猛士肅貔貅
領隊趨三島
吹笳渡十洲
將星依北斗
邊月落旄頭
天闊風烟斷
霜高瘴厲收
三軍今罷戢
天子近銷憂
折箭為壺矢
開尊運酒籌
畫巡經戍壘
疲飲上歌樓
白練齋醮
距紅妝
競打球
美人來趙地
新曲度涼州
草暎金貂
綠花明錦帳
綢春風輕寶扇
明日煖篋篋
上客朱門入
平原駿馬遊
功成當富貴
肘印取封侯

奉贈少宗伯王公二十韻

上相欽瓌偉千年嶽降祥雄姿推鶻俊奕氣颯龍
驤東序陳蒼玉西禱揖紫皇山河搖華札雷雨夾
縹緗斗氣誰堪擷星精或可當校書臨太乙起草
立明光揚馬陪鵷造夔龍接雁行秋河宵視直春
發晝舍香道出空同上思起垓北旁千言抒鳳彩
五色駕虹梁大業歸鐘藻僊都蕙穠藏玄心窺象
罔赤手劈洪荒朗秀空巖電溫夷照截肪神情還
寐應名字放飛揚競睹銅池草爭誦天馬章松蘿
終結伴禁籞暫尚羊望氣關門紫食霞沆瀣黃身

依雙闕近夢落五湖長他日蓬萊頂看君白日翔

吳門懷古二十二韻

雄秀結名區山川走大都長烟春嶂合落月夜潮
枯遠壑深如沫空沙暎若無谷風吹窸窣山路折
崎嶇水抱林扉散雲奔石壁孤前王犁墓道霸氣
死江蕪莽蒼誰堪問精靈不可呼縱衡論往事宋
莫想雄圖籠子腥滄海魚腸壓鉅湖樓船浮澤國
臺榭枕山隅神女朝看鏡妖蛟疲捧鑪城烏驚振
柝水怪避揚桴宮裡鵲眉細尊前烈士甕弓開光

黯淡刀冷血模糊一旦正樊掩千年野草蘇嚴園
風槭滅苔迳路塗塗白日銷金帟蒼苔綉玉鳧英
雄悲逝水歌舞委長衢吊古心悽惻登高氣鬱紆
凭闌聊酌醴吟嘯獨躑躅

開之居西湖甚適悵烏瞻溯十五韻

故人湖上住湖水淨娟娟西去山雲盡東來海日
懸珠寒龍戲浦石裂虎跑泉秀絕空王閣清舍大
士蓮遊僧踈竹裡啼鳥寺門前波浪遙吞海籬燕
上接天踈星沉夜壑芳釭沐春煙漢女明璫濕江

妃羅襪鮮妃央
豎水國絲管沸樓船
塵外真玄朗
丘中足晏眠
波聲斜隱隱霞氣濯僊僊
鷗夢侵歌扇
花容傍舞筵
飛揚跳急雨
寂滅入枯禪
賞恹心無累
神超物自捐
何當誅羈鞅
相共訂真詮